



Föngulegur hópur stúdentsefna frá MT leggur af stað í blysför kringum tjörnina. Þessi ganga var hluti af þeirri athöfn, þegar verðandi stúdentar kvöddu skóla sinn.

## Lítið að fá á börnunum

ÞÓ—Reykjavík — Deila veitinga-húsaeygnda og þjóna stendur enn við það sama, því þjónar höfnuðu algerlega bréfi sem veitinga-húsaeygndur sendu þeim í gær-morgun, en í þessu bréfi, var miðlunartillaga frá veitingahúsaeygndum.

Þjónar komu saman á fund kl. 17 í gær og voru þeir á fundi fram til klukkan 20. Samþykktu þeir á fundinum að þeir væru reiðubúnir að vinna, hér eftir sem áður, eftir þeim kjörum og prósentuálag-ingu og þeir hafa fengið fram til þessa. En það vilja veitingamenn ekki.

Þjónar mættu allir til vinnu í gærkvöldi, það er að segja í þau hús, sem á annað borð voru opin. Þeir gátu selt það vin, sem þeir höfðu undir höndum, en eftir að þeirra vinbirgðir voru þrotnar, fengu þeir ekki meira afgreitt frá veitingamönnum. Því má reikna með að einhverjir hafi ekki fengið það að drekka, sem þeir helzt vildu í gær. Ef þessi deila leysist ekki í bráð, þá koma vist allir ódrukkinn út úr veitingahúsum.

—Ljósmynd: GE

## Þrjár milljónir frá Sviss

SENDIHERRA Svisslendinga gekk á miðviku daginn á fund forsætisráðherra og færði honum kveðju svissnesku ríkisstjórnarinnar, ásamt ávísun að upphæð hundrað þúsund svissneskir frankar, vegna náttúrhamfaranna í Vestmannaeyjum.

Þetta er jafnvirði tæplega þriggja milljóna króna og rennur í viðlagasjóð.



Eyjólfur Jónsson, húsvörður í MT, eða „Húsi“ eins og nemendur MT kalla hann. Ljósmynd GE

## Fardagur fyrstu farmanna úr Tjarnarskólanum

GJ—Reykjavík Nú fer senn að liða að því, að stúdentar útskrifast frá Menntaskólanum við Tjörnina, og verður hann þriðji menntaskólinn á Reykjavíkursvæðinu, sem gerir slíkt. Í dag lauk kennslu formlega og við tekur hið langa og stranga upplestrarfrí stúdentsefna, sem munu vera 170 talsins að þessu sinni. Af þessu tilefni héldu nemendur og kennarar MT „fyrsta fardaginn“ hátíðlegan, svo sem venja er við þessi tímamót.

Nemendur tóku daginn snemma og byrjuðu á því að halda morgunhóf, þar sem nemendur hverrar bekkjardeildar

söfnuðust saman á heimili einhvers bekkjarfélagsins ofiast þess er mest hafði húsnæðið eða skilningsríkasta átti foreldrana, því ekki er fyrir hvern meðalmann að taka á móti 20-30 æskuglöðum stúdentsefnum í samkvæmi kl. fjögur eða fimm að borgni. Ein bekkjardeildin virðist ekki hafa fundið stað fyrir morgungleði sína innan borgarmarkna Reykjavíkur, en nemendur leystu það vandamál auðveldlega og fengu húsnæði við sitt hæfi suður í Keflavík, hjá lyfsala staðarins. Ýmis smávandamál komu upp, vegna þess að langflestir nemendur í þessari bekkjardeild búa í Reykjavík, en þau leystust skjótlega, þegar smárúta fékkst leigð til að flytja fólk til Keflavíkur í samkvæmi og þaðan aftur að því loknu í skóla. Á niunda tímanum streymdu nemendur fjórða bekkjar í skólann og sóttu síðustu kennslustundirnar á menntaskólaferli sínum. Ekki var þó kennt lengi á þessum fardegi, því þegar klukkan átti eftir tíu mínútur í tíu, var kallað á sal og þar haldin samkoma með ræðu-höldum, söng og fleiru finu. Þar kvöddu nemendur kennara sína og rektor með blómum, kossum, visum og ýmsum spakmælum, sem virtust hæfa í mark, ef marka má undirtektir.

Að athöfninni á sal lokinni, söfnuðust nemendur skólans saman í portinu fyrir utan skólann og voru fjórðu bekkjar þar kvaddir. Síðan gengu stúdentsefni blysför frá skóla sínum og kringum tjörnina. Þann hring bekkja nemendur MT vel af eigin raun, því það mun fastur liður í hverjum leikfimitíma þar í skóla, að hlaupa einn hring umhverfis tjörnina. Þegar komið var að skólanum aftur, biðu þar rútur tilbúnar að flytja fjórðu bekkinga frá skólanum og alla leið til Selfoss, en þar ætluðu þeir að snæða hádegisverð.

Bláamaður Timans hitti Eyjólf Jónsson, húsvörð í MT, meðan athöfnin á sal stóð yfir og spurði hann hvernig fólk þetta væri, sem nú væri að yfirgefa MT. „Húsi“, eins og hann er kallaður af nemendum, svaraði því til, að þegar hann tók við starfi sínu, hefði hann búið við að finna indælisfólk á meðal nemenda skólans, en staðreyndin væri, að 99 af hverjum hundrað væru úrválsfólk og gerðist hvergi annars staðar betra. Er ekki ónýtt að hafa slík meðmæli frá starfsmanni skólans sem veganesti á lífsleiðinni.

Fardeginum lýkur svo með dansleik fjórðu bekkinga að Hótel Borg í kvöld.

## „Vona, að einhverjir hafi tekið sönsu“

sagði Hannibal Valdimarsson um vegatollsfrumvarpið

KJ—Reykjavík — Við eigum að taka upp vegatoll á Reykjanesbraut aftur, og við eigum að taka upp vegatoll á Suðurlandsvegi, sagði Hannibal Valdimarsson samgöngumálaráðherra í svári við fyrirspurn um vegatollinn á fulltrúafundi klúbbanna Öruggur akstur í gær.

Hannibal sagðist hafa verið mótfallinn því, að vegatollsinnheimtan á Reykjanesbraut væri felld niður á sínum tíma, en nú væri málið til meðferðar í þinginu, og yrði væntanlega tekið til afgreiðslu næstu daga. Sagði Hannibal, að málið yrði væntanlega afgreitt úr nefnd í dag, og þegar það kæmi til afgreiðslu í þinginu, sagði hann, að menn myndu sjá til, hvort einhverjir þingmenn hefðu ekki tekið sönsu síðan í fyrra og greiddu vegatollinum atkvæði sitt.

Þá sagði ráðherrann, að þegar gengið hefði verið frá það löngum vegarkafli á Vesturlandsvegi, að samsvaraði aðurnefndum vegum, ætti að taka þar upp vegatoll, og einnig væri vel hugsanlegt að taka vegatoll af þeim, sem ækju yfir veginn á Skeiðarársandi, þegar þar að kæmi.

Ráðherrann sagðist hafa mætt á fundum á Suðurnesjum, þar sem vegatollurinn hefði verið til umræðu, og hefði sér fundist, að fólk skildi nauðsyn þess að réttlæti að taka gjalda af þeim, sem ækju um góða vegi. Hann sagðist vera algjörlega sammála skagfirzka bóndanum, sem hefði skrifað sér og sagt, að þeir greiddu hæsta vegatollinn, sem ækju vonda vegi.

Þá sagði ráðherrann í svári sínu við annarri fyrirspurn, að sin skoðun væri, að aldrei hefði átt að Framhald á bls. 19

## Góður línuafli á Bolungarvík

Krjúl—Bolungarvík — Heildarafli Bolungavíkurbáta í marzmánuði var 821.3 lestir. Aflahæsti báturinn í mánuðinum var Sólrún með 212 lestir í 22 róðrum, næst kom Guðmundur Péturs með 210 lestir í 23 róðrum, þá Huguín með 177 lestir í 22 róðrum, Stígandi með 72 lestir í 17 róðrum og Jakob Vignir með 48 lestir í 14 róðrum, en allir þessir bátar réru með línu. Haf-rún, sem rær með net, landaði 59 lestum í sjö löndunum, en þess ber að gæta, að báturinn varð fyrir vélarbilun og stöðvaðist um alllangt skeið.

Nú er búið að landa 7537 lestum af loðnu á Bolungarvík á móti 5500 tonnnum í fyrra. Í frystingu hafa farið 369 lestir. Unnið er við loðnubræðsluna á vöktum allan sólarhringinn og sólarhringsafköstin eru 180-190 tonn. Upphaflega voru afköst verksmiðjunnar ekki nema 150 tonn, en síðan hefur verksmiðjan verið endurbýggð.

Tíðin hefur verið rysjótt að undanförunu og skiptir stanzlaust um veður.



Helga Harðardóttir og Sturla Jónsson, tveir hamingjusamir farmenn frá MT —Ljósmynd: GE

# M.T. útskrifar sína fyrstu stúdentana

„Enginn skóli hefur verið stofnaður af meira fyrirhyggjuleysi”

Menntaskólinn við Tjörnina útskrifaði í gær sína fyrstu stúdentana og lauk þar með 4. starfsári sínu. Í vetur stunduðu alls 682 nemendur nám, þar af



Arnfríður Ólafsdóttir, fyrsti stúdentinn sem Menntaskólinn við Tjörnina útskrifar.

útskrifuðust nú 159 stúdentar.

Við athöfnina í gær söng skólakór MT undir stjórn Snorra Birgissonar sem er nemandi í 3. bekk skólans.

Björn Bjarnason, rektor, flutti skýrslu um starfsár skólans og rifjaði einnig upp kafla úr stuttri ævi hans.

Í ávarpi sínu minnti Björn á að nú, að afloknu 4. starfsári skólans, gæti hann loks talizt fullvaxta. Það væri sorgleg staðreynd að ekki einu sinni fyrstu stúdentar skólans gætu útskrifast úr hans eigin húsnæði heldur þyrfti að leita á náðir samkomuhúss í borginni til að hýsa þessa athöfn.

Björn sagði að sennilega hefði enginn skóli á landinu verið stofnaður af meira fyrirhyggjuleysi en Menntaskólinn við Tjörnina. Þar var fyrir atbeina Einar Magnússonar, rektors M.R., o.fl. að ráðizt var í að breyta Miðbæjarskólanum í menntaskóla. Það kom nefnilega „skyndilega” í ljós að slíkan skóla vantaði fyrir um 200 nemendur sem úrskrifuðust úr



Björn Bjarnason, rektor, ávarpar stúdentana og samkomugesti.

landsprófsdeildum vorið 1969. Miðbæjarskólinn var þá gerður að útibúi M.R. og var Einar Magnússon því rektor skólans fyrsta árið.

Húsnæði Menntaskólans við Tjörnina hefur frá upphafi verið ófullnægjandi og hér var um algjöra bráðabirgðalausn að ræða sem virðist þó því miður eiga eftir að standa óbreytt næstu árin.

Stjórnarráðið skipaði þó byggingarnefnd fyrir skólann og mun það sennilega vera minnsta nefnd sem skipuð hefur verið, í henni var einn maður auk rektors.

Skólanum var úthlutað lóð í norð-austurhluta borgarinnar og byggingarnefndin skilaði tillögum sínum, en samkvæmt þeim skyldi hefja framkvæmdir 1974, 1. áfanga lyki síðan haustið 1975 og 2. áfanga 1976. Ekkert útlit er þó fyrir að þessu skipulagi verði framfylgt þar eð fjárhagsáætlun hins opinbera virðist ekki hafa áhuga á málinu.

Nemendum Menntaskólans við Tjörnina hefur fjölgað ört enda ekki nema eðlilegt þar eð nyr

árgangur hefur bæzt við árlega. Þannig voru í skólanum í upphafi 165 nemendur en eru nú orðnir 682 eins og áður sagði. Í þróngu húsnæði gamla Miðbæjarskólans hefur því þurft að tvisetja þ.e. að kenna bæði fyrir og eftir hádegi. Þannig er ástandið að visu í flestum skólum landsins og sýnir það bagalegt ástand í skólamálum þjóðarinnar.

Úr 4. bekk útskrifast nú 159 stúdentar, þar af 67 úr málakjörsviði, 58 úr náttúrufræðikjörsviði og 34 úr eðlisfræðikjörsviði. Milli kynja skiptist stúdentafjöldinn þannig, að 64 stúlkur ljúka prófum en 95 einstök af karlpeningi. Einkunnir voru gefnar í heilum tölum og hálfum og eru því einkunnir eins og 9.8 eða 8.3. úr sögunni.

Björn rektor harmaði það, að engin skólaskýrsla hefði verið gerð. Þó væri verið að vinna að henni og ef fjárhagsskortur hamlaði ekki mundi hún sennilega lita dagsins ljós einhvern tíma með haustinu.

Víðstaddir skólaslit Menntaskólans við Tjörnina voru m.a. Magnús Torfi Ólafsson, menntamálaráðherra og Guðni Guðmundsson, rektor Menntaskólans í Reykjavík. — GSP

## Gjaldskrá póst og síma hækkar

Póst- og simamálastjórnin hefur fengið heimild til að hækka gjaldskrána fyrir simaþjónustu frá 1. júní n.k. og pósthjónustu frá 1. júlí n.k. Umrædd gjaldskrárhækkun er við það miðuð að stofnunin nái að auka tekjur þessa árs um 14,5% til þess að mæta hinum sí aukna tilkostnaði í rekstri.

Hjá því hefur raunar ekki verið komizt að hækka hina ýmsu liði nokkuð mismunandi, sem orsakast m.a. af því að hækkan launa og verðlags hefur breytileg áhrif á hina einstöku þjónustuhætti svo og hin öra þróun, sem er í starfsemi pósts og síma, þ.e. ný þjónusta riður sér til rúms en önnur tekur miklum breytingum.

kerfið, hækkar úr krónum 8000 í krónur 8500.

Þá er tímabil næturtaxta, sem er helmingur af dagtaxta fyrir langlinusímtöl, sem valin eru sjálfvirk, lengdur um 3 klukkustundir á sólarhring. Nú gildir hann frá klukkan 20 í stað klukkan 22 að kvöldi til kl. 8.00 næsta morgun í stað kl. 7.00 og gildir þetta frá mánudegi til föstudags, og frá kl. 15 á laugardögum til kl. 8.00 næsta mánudagsmorgun.

Simskeyti til útlanda, sem bundin eru gengi gullfrankans, lækka um 6%.

Að lokum má geta þess, að þróunin hefur verið sú sl. áratug, að þjónustan hefur stöðugt orð-

## Vormarkaður hjá Bókavarðafélaginu

Bókavarðafélag Íslands heldur vormarkað í Norræna húsinu á laugardag og verður markaðurinn opnaður kl. 2. Þarna verður til sölu skreyttar víðgreinar, litrík blóm, fatnaður, kökur og bækur.

Agóða verður varið til eflingar starfsemi félagsins.

Okkur vantar fólk til að bera út blaðið

Blaðberar óskast í eftirtalin hverfi:

Skjól  
Hringbraut  
Hverfisgötu  
Laugaveg 2

**ÞJÓÐVILJINN**

sími 17-500.

## Í NÝJUM SKÓLA Í GÖMLU HÚSI

Þau eru „í Tjörninni“

Hér er að vonum lítið um siði og venjur. Engar „tolleringar“ eða „jamberingar“ uppi í Beneventumklettum. Skólinn hefur ekki einu sinni verið formlega settur ennþá. Fyrir um viku hófu 230 unglingar nám í nýjum menntaskóla í gömlu húsi, Miðbæjarskólanum við Tjörnina. Ákveðið var eftir hverfum, hvaða nemendur skyldu fara í nýja skólann og hverjir í Hamrahlíðarskólann eða Menntaskólann í Reykjavík við Lækjargötu. Þotti ýmsum súrt í broti að lenda í nýja skólanum og þurfa kannski að skilja við gamla vini og skólafélaga, sem fóru í annan hvorn hinna skólanna. Einnig komst upp sá kvittur að ófinna þætti að vera „í Tjörninni“ eins og það er nefnt í hinum skólunum. Ýmsir nemendur voru því kannski eitthvað óánægðir til að byrja með en nú er skólinn sem sagt hafinn og virðist hafa rætt veir úr öllu og óánægjan fokin út í veður og vind. Skólinn heitir Menntaskólina við Tjörnina en er oft kallaður Menntaskólinn í Tjörninni skammstafað M.I.T., og á hann þá styttingu sameiginlega með einni þekktustu menntastofnun Bandaríkjanna, Tækniskólanum í Massachusetts svo ekki er þessari ungu menntastofnun ætlaður lítil hlutur í upphafi. Í vetur verður skólinn undir stjórn Einars Magnússonar, rektors M.R., en að öðru leyti verður hann alveg aðskilinn frá gamla skólanum hvað nám, félagslíf og annað snertir. Umsjónarkenari nýja skólans er Kristinn Kristmundsson. Og þessa dagana er saga nýja skólans að verða til. „Það getur allt verið orðið öðru vísi eftir viku“, sagði einn af unglungunum sem „fóru í Tjörnina“, þ.e. eru í Menntaskólanum við Tjörnina, og Tíminn ræddi við nú fyrir helgina.

Ef ég fell, ætla ég í Fóstruskólann.

—Agalega vel, svaraði Sigríður Rafnsdóttir, þegar ég spyr hana hvernig henni falli skólaveran.

—Fyrst langaði mig að fara í M.R., en mig er alveg hætt að langa til þess núna.

Sigríður hefur lítið herbergi fyrir sig á heimili foreldra sinna og hefur búið það eftir sínum smekk. Rautt ljós og

pappírskraut hangir í lofti og á veggjum, myndir af Che Guevara, Bítlanum og fleiri poppónlistarmönnum, Yoko Ono, knattspyrnumanninum Coluna og fleiri stórmönnum.

—Það er mikið að gera við námið, segir Sigríður. En skólinn er náttúrulega ekki algerlega kominn í gang.

—Hvernig eru kennsluáferðirnar?

—Agæt. Það eru alltaf einhverjir kennarar sem hlýða mest yfir, taka nemendur t.d. upp að töflu. Svo eru aðrir sem tala um námsefnið á viðum grundvelli, segja okkur meira um það en stendur í kennslubókinni.

—Nokkuð verklegt nám?

—Já, við munum t.d. hafa verklega efnafraeði aðra hverja viku, og í íslenzkutímum vinnum við oft í tímunum.

—Hvað um félagslífið?

—Það er ekkert ennþá. En nokkrir strákar ætla að efna til skoðanakönnunar meðal nemenda um hvernig því skuli hagað.

—Nokkrir strákar? Eru stúlkurnar áhugaminni um félagsstarf?

—Nei, alls ekki.

—Finnst þér lítið niður á ykkur, sem eruð „í Tjörninni“?

—Já, mér finnst það. Fólk svona glottir, þegar það heyrir að maður sé í þeim skóla, og lítur hálfvinnulega á menn.

—Er námið þar eitthvað frábrugðið því sem gerist í hinum skólunum?

—Nei, ég held það sé alveg það sama.

Atvinnulaus í sumar.

—Hvað gerðir þú í sumar?

—Ég var atvinnulaus.


—Var þá ekki erfitt fyrir þig að byrja í skólanum?

—Jú, það er ógurlega dýrt. En ég þurfti ekki að kaupa mikið af bókum því bróðir minn er líka í menntaskóla og ég fékk bækurnar hans. Ég keypti fyrir um 1500 kr. Ég gæti auðvitað ekki verið í skólanum ef foreldrar mínir kostuðu mig ekki.

—Er langt síðan þú ákvaðst að fara í menntaskóla?

—Þegar ég var búin með landspróf, fannst mér ég verða að reyna að halda áfram. Ég gæti ekki hugsað mér að hætta í skóla núna. Ef ég fell, ætla ég að fara í Fóstruskólann.


Framhald á bls. 22.



Sturla Jónsson: „Siðir mættu gjarnan verða til.“



Sigríður Rafnsdóttir: „Í Fóstruskólann?“



Björn Leifsson: „Alveg sama um svoleiðis.“

Tímamyndir: Gunnar.

## Í NÝJUM SKÓLA

Framhald af bls. 24.

## Jarðfræði í stað þýzku

— góð skipti.

Sturla Jónsson er einnig að byrja menntaskólanám. Eins og margir jafnaldrar hans hefur hann mikinn áhuga á poptónlist, þótt sjálfur sé hann laglaus. — Mér finnst ekki mikil varið í íslensku poptónlistar mennina, segir hann. Einkum þykir mér mikið til ensku hljómsveitarinnar, Blind Faith (Blind trú) koma, og þeirrar tónlistar er þeir flytja. Það er eins konar blues jass en samt popmúsík.

— Hvað gerðir þú í sumar?

— Ég var í kaupavinnu í Borgarfirði.

— Og ertu vel birgur með vasapeninga fyrir veturinn?

— Svona bærilega, ég ætти að komast af.

— Var dýrt að byrja í skólunum?

— Námsbækurnar kostuðu ekki undir 2000 kr. fyrir utan pappír og þ.h.

— Varst þú alveg ákveðinn að fara í menntaskóla?

— Já, það kom eiginlega ekki annað til greina. Ég ætlaði í Hamrahliðarskólann en komst ekki. Mér féll það ákaflega illa á tímabili, en nú er mér alveg sama. Ég hef kunnað sæmilega við mig hér það sem af er.

— Er lítið niður á ykkur í þessum skóla?

— Ég held að ekki sé laust við að nemendur í M.R. geri það. Þeim sem eru í gamla skólanum finnst mörgum finna að vera þar. Ég held að nemendur þar séu meiri menntasnoðb en aðrir menntaskólámenar.

## Náttúrufræðistofa og steinasafn.

— Hvernig lízt þér á skóla húsnæðið í Miðbæjarskólunum?

— Nokkuð vel, ég hafði búizt við húsinu miklu hrörlegra. En það má reikna með því að minna sé um kennslutæki og ýmis önnur aðstaða sé lélegri en í hinum menntaskólunum.

— Og kennararnir?

— Misjafnir. Í heild kann ég nokkuð vel við þá.

— Þið lærið jarðfræði í stað þýzku, sem áður var kennd í fyrsta bekk menntaskólanna?

— Mér persónulega finnst það góð skipti. Síðar eigum við að velja hvort við lærum þýzku eða frönsku.

— Í hvaða greinum verður einkum verkleg kennsla?

— Efnafraði og náttúrufræði, býst ég við. Við verðum í efnafraði úti í Casa Nova en sérstök náttúrufræðistofa og steinasafn verður hér.

— Það gæti að vissu leyti verið gaman í þessum skóla, ef á kæmust síðir og venjur, segir Sturla, t.d. eitthvað í líkingu við „tolleríngar“ o.þ.h. Félagslífið er dauft enn og undirtektir í þeim efnunum lítilar. Annars veit maður ekkert um hvernig þetta verður, það getur orðið allt öðru vísi eftir viku. Mér finnst að félagslífið mætti verða svipað og í hinum skólunum, ég held að það sé t.d. mjög gott í M.R.

— Og við víkjum að áhugamálinu, tónlistinni.

— Ertu hrifinn af sígildri tónlist?

— Ég kann oft ágætlega við að hlusta á hana.

— Eitthvað sérstakt?

— Nei.

— Verður kannski 13 ár í Miðbæjarskólunum.

— Björn Leifsson heitir þriðji nemandinn úr Menntaskólunum við Tjörnina, sem við töl-

um við. Hann ætlaði í skólann við Hamrahlið eins og Sturla, en er nú ánægður í nýja skólunum og ætlar ekki að skipta um að þarflausu næsta vetur fyrst hann er kominn hingað.

— Ef til vill verður hann í fyrsta stúdentaþópnum úr þessum skóla.

— Það hefði reyndar verið gaman að breyta um skóla, segir Björn. Ég var í Miðbæjarskólunum frá því ég var sjö ára þangað til ég fór yfir götuna í landsprófið í fyrra, og nú er ég kominn hingað aftur. Það er leiðinlegt til lengdar að vera alltaf í sama skólunum. Það hefði nú alveg mátt skipta um stóla og borð. Þau eru þau sömu og við höfðum fyrir mörgum árum. Það er hægt að sitja á stólunum, en ekki meira en svo.

— Hvernig fellur þér kennslan?

— Vel. Kennararnir eru ágætir og það bezta er að þeir virðast ekki ætla að láta nemendurnar vaða uppi.

## Alveg sama um svoléiðis.

— Hvernig lízt þér á félagslífið?

— Nemendur eru svoléiðis að ranka við sér. Ég býst við að til að byrja með verði málfundir og kynningarfundir, og svo seinna skemmtanir.

— Og þú ætlar að taka þátt í þessu?

— Já.

— Saknarðu gamla venja og seremónía, sem eru í öðrum skólunum?

— Nei, mér er alveg sama um svoléiðis.

— Finnst þér lítið niður á ykkur í þessum skóla?

— Mér finnst sumt fólk álíta að úrhraðið hafi farið hingað.

— Og nemendurnir í hinum menntaskólunum?

— Ég hef ekki kynnt þeim.

— Þú varst ákveðinn að fara í menntaskóla, hefurðu kannski ákveðið framhaldsnám í huga?

— Ég hef áhuga á að reyna við rafmagnsfræði. Mér finnst tölvur og þess háttar mjög forvitnilegar og spennandi.

— Hvað vannstu í sumar?

— Ég var handlangari hjá múrara inni í Breiðholti í einn og hálfan mánuð, annars var ég atvinnulaus.

— Hvað kostuðu námsbækurnar og annað, sem þú þurftir til skólans?

— Rúmlega 6000 kr., þar af kostaði ritvél um 4000 en vélritun er ein námsgreinanna, sem við lærum.

## Jass — ég er alveg heillaður af honum.

— Hvað hefurðu fyrir stafni í tómsundum?

— Ýmislegt. Ég er m.a. í Tónlistarskólunum að læra á klarínet. Ég er þar einn klár í viku hjá Gunnari Egilson. Og helzt þyrfti ég að æfa mig í einn tíma á dag, og geri það auðvitað ef ég nenni.

— Ég byrjaði að læra á klarínet hjá Jóni Þórarinssyni í Miðbæjarskólunum þegar ég var lítil og fór svo 13 ára í Tónlistarskólann.

— Kanntu að meta popmúsík?

— Mér finnst allt í lagi með hana. Ég læri sígilda tónlist í Tónlistarskólunum. En annars spila ég aðallega jass. Ég er heillaður af jass-tónlistinni.

— Og jassinn leiku. Björn með vinum sínum úr Hamrahliðarskóla og er raunar með þeim í skólahljómsveit þess skóla. Þeir fá að æfa sig í Hamrahliðarskólunum. Og hafa komið fram á skemmtunum og spilað bæði í skólunum og Lindar bæ.

S.J.



Sunnudagur 3. júní 1973.



MERKID, SEM GLEDUR  
Hittumst í kaupfélaginu

Sólarplast

Riflaðar plastplötur á  
svalir og í garðskýli



Geisla plast sf.  
ARMÚLA 23 SÍMI 82140



Frá brautskráningu fyrstu stúdenta M.T. í Háskólabíói í gær. Lengst til hægri á myndinni er Arnfríður Ólafsdóttir með hvíta kollinn sinn — fyrsti stúdentinn, sem brautskráður hefur verið frá M.T.

# ÞEIR FYRSTU ÚR HREIÐRINU 159 BRAUTSKRÁÐIR FRÁ M.T.

„Nýlega brautskráðust fyrstu stúdentarnir frá þeim menntaskóla, sem stofnað hefur verið til af minnstri fyrirhyggju hérlandis, — kannski í öllum heiminum“. Eitthvað á þessa leið voru orð rektors Menntaskólans við Tjörnina, Björns Bjarnasonar, er skólanum var slitið við hátíðlega athöfn og að viðstöddu margmenni í Háskólabíói. Við sömu athöfn afhenti rektor nýstúdentum skirteini sín, fyrstu stúdentunum, sem brautskráðust frá M.T. Þess má geta í leiðinni, að fyrsti

stúdentinn, er brautskráður var frá M.T. heitir Arnfríður Ólafsdóttir, í 1V. B., málakjörsvíði.

159 stúdentar voru brautskráðir frá skólanum. Skiptust þeir þannig milli deilda. Brautskráðir voru 67 á málakjörsvíði, 58 á náttúrufræðiskjörsvíði og 34 á eðlisfræðiskjörsvíði. Í þessum fyrsta stúdentahóp frá M.T. eru 64 stúlkur og 95 piltar. Hæstu einunnir á hverja hinna þriggja kjörsvíða hlutu eftirtaldir stúdentar málakjörsvíð — Hrefna Hjaltadóttir, 9.0, náttúru-

fræðiskjörsvíð — Guðmundur G. Haraldsson 1V-S 9.0, eðlisfræðiskjörsvíð — Halla Björg Baldursdóttir 1V-X, 9.0.

A þessu fjórða skólaári M.T., sem hófst þann 15. september síðastliðið haust, stundugu alls 682 nemendur nám við skólann. Nemendum skólans hefur fjölgad ört, þar sem fyrsta skólaárið 1969-70 voru þeir aðeins 195.

A samkomunni í Háskólabíói í gær, 30. maí, flutti rektor, Björn Bjarnason, skýrslu um störf skólans og um úrslit prófa. Kór M.T. söng og veitt voru mörg verðlaun fyrir góðan námsárangur á stúdentsprófi. Þeir

einir skilja, hvaða tilfinning fylgir því að vera loksins orðinn stúdent, sem það reynt hafa. Og sú tilfinning gleymist seint. Stóryrðin missa oft marks. Það nægir að segja, að það var afar bjart yfir nýstúdentunum, er þeir gengu með hvíta kollana út í síðdegissólina. Fjögurra ára strit við Tjörnina er að baki. Allnokkrum áfanga er náð, — nægum áfanga fyrir stúdentana næstu daga og vikur, — nægur tími gefst síðar að leiða hugann að þeim næsta. Og í dag verður skólaslitahóf að Hótel Borg. Vart verða mörg skuggaskýin þar.

—Stp

## FISKVERÐIÐ

## SKAGAFJÖRÐUR: